

西浙泉厓邵先生詩集

西浙泉厓邵先生詩集卷之八

西蜀門人晉齋曾騰鳳梓

西蜀門人兩都張蜀良校

畫竹爲鶴汀馬子題

直幹操逾勁叢篁節不群
春風歌渭曲夜雨泣湘紋
未許凌霄漢偏宜近水雲
冰霜轉搖落把酒更思君

江上

江上波濤惡人間風浪深
去帆懸自正傍險路難禁
鯁蟾天舞蛟龍縮地吟
經春看蟄起苦海變甘霖

王齊時擢霍山邑博

宮牆同抱藝簪紱近分行老我花潭月多君芹水香端
居惟矩範小試亦翱翔此日春風轉應憐雲水長

病雀痛梧兒

梁園有雛雀學舞不知勞忽爾摧冰雪猶能刷羽毛還
丹惟玉屑續骨定金膏安得全風翮飛飛出九臯

柳亭亭子賞牡丹席上得陽字

六花分冶色百雉出酣粧冉冉雲依樹娟娟月近牆錦
心金作埒翠珮玉生香不怙昭陽寵移根醉洛陽

夏寒樓

大火司南服高天日夜流乾坤無着地樓閣轉添秋枕

簾風生腋簾攏月上鈎梅花何處落吹笛過江州

玄都秋錢後屏給舍限春宿左省韻

東括題封客函湖載酒過石壇秋雨過蕉葉晚風多丹
竈閑龍虎清朝且珮珂君當扶日輦我柰白雲何

八月八晚有懷棘院

纖纖秋空月皎皎明華簪攬手不盈掬控弦殊未諳蘭
堂幽意愜桂院香風酣晴雲駛欲流瑞靄光煙嵐

十三夜喜見月華

中秋遲後夜華月故先酣七寶漾金玦千花明玉潭秦
樓初鳳吹蕭史且鵞鵝白髮仍孤影當詩可自堪

中秋西齋夜興

片月過東樓西齋花影稠
虬龍蟠石壁烏鵲隱林丘
漢使星槎遠唐宗金鏡留
何當照邊塞萬里迥添愁

十六夜西湖放舟

湖上今宵月盈盈秋水涵玉容
粧不減珠魄淚常酣袖拂雲和溢
杯傳露釀甘坐來清沁骨欲向可誰談

十八日浙江觀潮三首

觀潮勢數子出郭儼諸昆
野服開江閣深杯接海門
百年占氣勢萬里足平吞
何日風雷動相看秋水痕

月滿秋生彩潮橫夜荐雷
九龍掀海立萬馬突雲來
鷗

鳥輕能狎漁舟浪不猜客心轉傾覆世路更喧阗
潮長喧人語潮迴櫟鼓聲銀河盤地起珠闕負風行伍
子魂無賴孤忠氣若生雲中驂鐵騎天外覲神兵

晚過蓉峰對酒

長夏滯繁陰涼颼晚更侵清尊歡共賞短葛怯難禁
簪拾花邊句還傳天外音百年叨倚玉何日報南金

七夕

閑情此歡覲芳賞及聞宵會得雙星會相看百恨消
蘭飈延皓魄蕙渥滯春嬌只尺河陰別番憎烏鵲橋
來秋徂半百全夕且開尊未即頭顱白先辭簿領煩輝

輝月初彩嬾嬾雀孤鶩忽爾蕭聲發倏然動紫垣

七月九日志雨

急雨奔風馬崩雷迸火龍軒除滄海變天際白雲封暑
氣祛三伏豐年卜九農閑庭無吏事沾對且從容

八月十日曉出祀東嶽見霞光刺天千態萬狀少
焉日出散作雲氣祀畢因登北高峰得四首

曉起出西郭霞章煥錦文九天虬虎變萬里鳳鸞分頃
刻生初日回看殫白雲秋來占甲子此日荷氤氲

四山圍福地五嶽駐僊檐香火神如在蠶田歲可占清
曹分法案神木代靈籤我豈參玄者瞻沁爾更嚴

瞻禮趨東嶽登藥上北峰雲平橫萬畝天遠見孤松更
陟險何極還歌咲且從煙霞滿山谷去住任吾蹤
絕頂風霜古交虛鳥鵲閑山空秋在樹日遠塔開關飽
我青精飯憐渠白玉顏玄臺拾瑤草昏黑未應還

中秋坐月因感湖約之爽

雨過風生袂雲開月在顛何緣秋煥彩有約夜登筵蕭
史驂駕日張郎犯斗年姮娥千古在今夕可誰憐

題山遊曉騎圖

騰踏過溪橋東風上柳條鳥啼餘翠箔花落盡紅綃飛
閣天難度切堂春可描相期尊酒共日莫卸金鑣

昭慶寺

訪春山富憲副
留宿覺而賦此

秋光明佛閣夕靄布香臺坐見花如霰懸知劫已灰空
門無色相客枕忽春雷只此可棲息何堪霜鴈哀

瑤山居

已下八首俱備貞山
陸給事遊譙之作

雲鎖山居淨風邀野客過晚煙依樹杪秋色滿岩阿佳
節酬黃菊閒情展薜蘿坐來尊酒共林外忽樵歌

初陽臺

荒臺絕頂上卮酒復同君午夜觀初日高天坐夕曛崖
危亭可構竹淺徑初分何處傳笙雀超然出世紛

蘇公堤

秋日蘇堤畔春風話舊遊柳邊煙水濶花外錦雲稠公
子嘶金勒佳人醉玉樓獨憐芳草路不改向來愁

放崔亭

崔駐空亭夢梅招處士魂雲深孤嶼遠日落萬山昏不
仕從吾拙無家尚爾存至今湖上水清徹照乾坤

石屋洞

千盤張石罅萬佛殿山堂雲卧蒼苔冷岩棲白晝長閒
心紛對酒野菊故含香何事棠陵老高坐空短牆

煙霞洞

洞口煙霞滿春來草木深象峰蹲可鼻龍谷吼成音坐

石絕塵想移尊歡客心山空遲落日歸去興難禁

龍井

落日下山谿泉聲路不迷一泓秋水淨獨石野藤齊龍
去雲常在春來鳥自啼十年話形勝尊酒爲君携

一片雲

一片雲何日孤飛落九天曉風吹不散煙月照還妍
翠晴堪翫芙蓉秋可憐清陰滿芳樹忽墮酒杯前

紫雲洞

黝蚪穿玄竅空濛散紫雲風閒隻雀下雨足九龍分靜
僻便幽托凡喧總不聞春深湖上路花落任紛紛

九日山居

以下四首王雲山秋別招遊之作

四筵張野寺九日醉荒臺
籬菊黃初把山花紫並開
衰猿秋樹杪高鴈晚雲隈
極浦寒江色霏霏落酒杯

巾子峰

弦月斜侵竹巾峰
斬入雲亦知風景好
還共笑歌醺籍
草移芳酌攀花坐
小芬忽隨鴻鴈去
天外自爲群

寶石山登塔各一首

寶石山頭出丹梯
一徑連清秋
高鳥語白日老僧眠
塔古蒼龍見湖開
玉鏡懸因之發星海
同犯斗牛躔

浮圖新法界絕頂
此登臨
星斗迴元氣江湖落梵音
龍

疑春出海雀可夜開林我欲乘風去高天萬里心

冬仲過桐鄉謁孫槐溪貞肅堂對菊二首

客去風塵淨臺空鳥雀喧尋詩閒對酒把菊忽忘言
病葉寒仍綠叢芳晚更繁爲憐搖落後叅對坐晴軒
晴日暄冬候雙看野菊英寒香秋未老高檠客同清的
風依砌輝輝月在屏東籬有遺興還向醉中生

癸亥篇應兩湖蕭憲使請爲清癯周子賦

有客癯于雀脩然不可群蜚聲動湖海灑翰失風雲
露夜心先警寒江影欲分梁園冰雪後千里忽思君

玉泉寺限韻

已下六首皆豐村金道長山遊之作

紺殿雲常合珠泉晚更清林深初見月春去始聞鶯
豆甲鮮登品尊絲滑可羹詩成一飽後吟向醉先行

下天竺

佛國西來遠蓮臺第一程開山經幾劫坐石話三生
梵塔孤難倚流泉曲可觥僧伽不好客來往但鐘迎

中天竺

涼月上東林中天落梵音清齋僧入供上客夜開襟
激吭風前霍幽樓霜後禽聞雲分半榻淨土結同心

上天竺

上竺轉迢遙諸天伴寂寥五峰迎旭日雙樹接青霄
佛

雨花常綴慈雲鉢可招酌來泉水俗骨此全銷

虎跑泉

一羽虎跑泉重來記昔年緣空千劫後景在萬山前路
轉蒼此出亭虛玉鏡懸坡仙風格異石壁示真傳

真珠泉

野寺石橋東珠泉濺碧空
纍纍明佛頂隱隱見花宮
龍戲雲常住魚吹浪不同
一斟覺神爽衆妙與心通

題清遠張子蘭竹圖次東滙韻

蒼珮和瓊玖青衫失綺羅
湘君此節槩楚客空品阿鳳
鳥日初下春心香轉多
美人如可即與子共高歌

吳中和昆季移尊泛太湖三首

放歌凌震澤把酒酌陽山風日天常淨煙波晴可攀
憐塵海闊今見白雲閑蝦菜堪供給輕舸去復還
落日洞庭水長風生遠波雲霞開寶鏡霄漢接銀河楚
澤名元重吳門勝轉多一尊千頃外相共笑顏酡
主人移野席客子尚餘醺陵谷幾時變沙鷗不可群波
涵天萬里雲歛浪平分返櫂清溪上菱歌隔浦聞

中秋亭下對酒限韻

筠華搏露砌桂影上風簾坐酒心應爽分題興轉添
驚棲鳥羽短隱見兔毫纖便欲飛仙去雲霞青可檐

題畫

磴壑生新漲叢林展舊柯琴心流水遠階面白雲多偶
坐情偏適同來興若何長風滿修竹留醉聽樵歌
莎短全侵渚楓酣半入雲高江歸晚櫂小艇蕩斜曛野
客夜誰與初秋月未分坐來轉岑寂獨宿杳相聞

入勝果山坐月厓亭移尊御教場和近山韻二首
窈窕經蒼壑平凌上古臺鍾聲花外盡松影日邊來天
地此奇觀江湖一舉杯春風且披拂涼月更低回
月嶠雲常結山亭景自宜萬峰當戶坼一逕隔谿危野
酌臨殘照流鶯正滿枝高懷愜幽賞不問夜何其

新正八日飲王曉山西園月下聽歌用來韻
初春芳讌集斜日小牕明竹葉尊前過梅花笑底迎鴈
簪平度曲鳳吹不聞聲扶醉乘涼月含情雙杵鳴

題海棠碧桃畫

玉容凝露重丹臉襯霞明不道春前發偏憐月下傾
霓裳歌未歇楚瑟怨難平曾似交歡樹生香更有情

題東溪草堂和三石太府韻

曉日輝瑤席春風滿畫堂煙花憐老眼魚鳥樂新塘
近舍情偏適閑尊興轉長水雲看不盡流翰欲淋浪

水檻懷人

湖光延短照樹杪挹高風有客煙霞癖懷人笑語叢亭
心扶水蕩波面艷花宮坐酒忽當夕長歌渾未終

湖陂坐月

片月上冰弦初更度遠天玉容臨水淺珠箔傍秋妍入
浦漁燈沒平湖塔影懸坐來風露重清徹見嬋娟

竹深留奕

萬竹結平林高天暑不侵一枰思得算六月坐開襟打
樸從君勝縱橫漫可尋祗緣消長日誰復下機心

昭慶飯僧

禪壇乞靈雨卜盡佛前燈野客同齋供多君亦飯僧露

葵清入饌水荇脆含冰何日龍宮發風雷迅可乘

雲居待雨

荒臺筍窠下聖水鉢龍蟠雲滂千林黑風屯萬木喧閒
情爽劒珮笑口此琴尊沾沛且今夕豐登何處村

賓山開尊

麗藻識湯休閒官已白頭青山春作伴野窠夜誰儔好
客花前醉看雲石上留高天涼意動把袂不勝秋

溪堂坐雨

山館近山之館溪堂西溪之堂
蓋飲山館而見雨過溪堂也

山館雨回湍湍溪堂風滿闌芙蓉臨水媚鵲雀過雲難萬
畝青成望三農淚轉彈入秋秧欲老曾得便交歡

身乃言
谷口回車

別去忽經旬歸來問水濱
偶逢傳小隊長笑勲清塵出
寺意欲往迴輒情且信爲憐
脩竹好坐對淨心神

僧扇和言

山僧說廣濡雲水結行居
未振風前鏤先驂長者車
清齋留客話開扇索吾書
番愧塵襟惡閑心爾不如

一菴憫對

星郎棲寶刹法駕過雲林
遂弭山陰楫誰爲梁父吟
春風憐舊燕夜雨會初心
閣酒當遲局呼盧索共斟

荻港聽歌

風迅荻蘆洲帆輕自在流歌聲來別浦月色遞扁舟
轉寒機語腔回錦瑟愁水雲收不盡翻弄一天秋

雙林乞巧

漫游經雪水乞巧傍東林野核甘誰共村醪薄且斟
星河千古事張矢百年心涼月憐秋杵長風開夜琴

龜溪憶友

棹入龜溪路停橈夜未分風喧驚大海月黑怯愁雲
狎水魚龍滙懸情鷗鳥群河陽何處是花氣隔溪聞

石屋尋幽

步屨趨朝暇乘軒歷遠村南屏蒼檜合石屋翠筠屯
玄

竇斜涵日雲厓巧着根青螺盤地底竅入海西門

詩輓孫室倪孺人

堂北商歌動湖西別淚彈上弦悲去霍臨鏡泣離鵞翰
我恩誰並亡人心已安九原膺大寵十錫望飛翰

除夕即事

歲徂憐盡夜雨浥故增寒臘送屠蘇酒春傳生菜盤迎
年粘彩燕辟惡試神丹何事東風晚梅花雪後看

乙巳元日

是年閏正月故云

龍基綿鳳曆二十四回春端月歸餘閏條風轉大鉤蛇
年亨啓泰霍髮老隨人時序流無盡浮生過眼頻

七日禮法相寺

湖南長耳佛頂現定光珠萬劫身猶在三生髮不誅膽
心遲遠道步禮競先駟為爾多靈異還予翊鳳雛

春日過明山話舊晚過少嶺山南都卷更酌二首

燕集歡如搆尊開興不怪堂高冰雪外春在笑談間藻

思推雙駕金閨宛二班明山論心十年好長夢到燕山

少嶺更酌白石尚傳觴醉裏情逾浹燈前話轉長牙

籤君入座玉俎晚生香冠珮鍾山勝開函意不忘

題一日明山少嶺龍詔三監司過予對奕

茅堂春意動憲節曉雲聯瑞靄臨端月台辰歷上墮開

襟聊坐酒當局早稱玄愧我無供給何緣取醉眠

亭川板朝溪少娟諸公飲天然圖畫閣限韻二首

賓朋拚共醉風日未應怪人坐白雲外春回疎柳間酒
腸真自別詩髮爲誰斑雨過添蒼翠湖南出遠山

尊酒淹芳駕盤飧屬老慳湖天迷雨外閣道出雲間近
柳條新綠輕鷗點舊斑高懷不終夕燈火下前山

閏正朔日出舍喜晴有感往回得二首

正元劉歷閏初甲喜開晴二麥占先秀三農一畝成野

蒿回宿土啼鳥換春聲我欲乘中夜高天未啓明

問舍出西郭牽帷迎曉晴田疇傷往昨禾黍半生成室

有蒼黃色村無雞犬聲河梁不可度急樂發平明

八日飲王曉山上舍

昨歲今宵讌春風逸少家歌聲流几席月色上牕紗會
再筵開閨情濃酒汎霞徘徊喧櫓馬羞澁亂林鴉

題梅津卷兼簡豐村和甬江韻

不憐濟渡者番憶咏花人涉險戴傾覆含香全性真延
平春入夢山谷齒生津昨過湖西路東風爲寫神

春暮丁溪舟行乘月看竹二首

丁溪溪上月全照翠簾管夾岬風煙細一尊雲水長閒
心歌楚曲客夢下瀟湘更聽枝頭鳥喧啾怯夜涼

稍雲開徑遠載月抱溪危露重衣沾濕灘高舟上遲爲
憐春欲莫不問夜何其入令晨光發呼燈泛酒卮

冒雨過長明招提訪金玉泉兼簡小山華津二棋

友二首

入寺玄雲結廻廊白雨過高人此棲息長夏獨行歌習
靜心能覺耽奇景自多瑤篇開藻思惠我慰山阿
急雨鳴僧舍長煙鎖石林暮懸殘局面坐見下機心突
去雲同遠回憐雀可尋百年幾良晤何處說朋簪

梔子花

階前隻薝蔔蠲去後芬非未吐香千蕊全開玉一圍臨

風還的的帶雨故輝輝爲憶吳姬晚輕盈月夜歸

玉泉亭子飲餞退齋參知掌憲入楚簡畲龍嘉憲

僉五首

掄魁推翰史執憲動臺旌雨過湖陂濶秋高湘水平一
尊延去思千里重交情櫪下龍駒發風前寶劍鳴

十年端範地此別益沾巾桃李春成望雲霄化已神飛
騰看不足瞻念可誰倫少室鬼東服搖光切漢津

北闕新恩重西湖舊雨多瞻違動遠托惜別盡悲歌此
去三山遠須乘九夏過楓亭丹荔熟欲寄謂予何

長日來芳駕清尊向水亭亦知不成飲聊以慰離情把

袂煙霞隔論心風雨驚高天懸日月偏照五侯城
楚水多才子憐才今見君乾坤悲屈賈孤憤失風雲
邂逅人如昨吹噓日未曛暫予同草莽何復歎離群

豫陽田兄移尊過陳氏園林見訪坐雨

野竹深無暑村醪薄可醒閒情來俎豆高誼動清冥
風葉翻雲亂煙稍刷雨腥論詩或不媿昏黑坐林坵

七夕望雨

七夕苦不雨北風徒自號明河懸碧落纖月掛林皇
鳥鵲填斯盡牽牛渡轉勞涉沲應晴發珠滴濺蘭

初冬對菊有懷少峴監司三首

寒花持晚節冬日傍幽扉未必芳香改其如霜露晞一枝聊自適三徑足忘歸寄語陶彭澤無勞問白衣黃花甘冷淡偏借艷陽開節去香猶勝春先手自栽
飛翻著意蜂蝶莫深猜幸不終塵土無端近草萊

對菊茅堂暮懷人玉樹秋影寒依砌短香遠隔林幽露葉垂新恨風枝展舊愁清尊過知己何日賞心疇

松泉鍾丈拉飲吳山之涇秋閣

初冬風日好高閣正涵秋樹色連蒼嶠煙光明遠丘湖山全對酒城郭半藏樓安得搏輕翼開心學野鷗

晴川朱子華招飲花前惜別

舊艷憐遲暮新芳及小春繁華思共賞搖落獨相親烏
帽花千朶清歌酒一巡分枝應旦夕愁絕對風塵

洛原白子開筵比庄簫笛代作侑酒賦二曲以識

別

何處簫聲發林深淨可聽雙鷺來別嶼獨雀下寒汀
躑躅丹壑還飛入紫冥松風雜清響曲罷有餘醒
短筵橫高隼淒清急暮雲落梅畚作態折柳不堪聞
邊塞春還雪關河日未曛一聲天萬里况復隔溪分

西湖曲

初夏開芳蕪長風掠盡船野桃紛結子堤柳日成眠興

在千山外歌迴尊酒邊湖光不可盡移向卷圖傳

飲歸雲菴和箬溪顧中丞韻

崑廻喧鼓吹徑仄啓柴扉山下雨初過溪頭雲未歸
藤稍迷醉眼石角款朝衣坐久星河出南宮雀正飛

過松雪讀書閣入清容軒坐雨尋西隱棹房各一

首

軒敞涼飈集簷虛急雨過客來尋舊隱雀去失行窩
溪轉饒鷗雁塘開足芰荷當年書閣在常傍佛維摩

赤日苦何極移舟向小軒清容依淨水西隱出叢樊
無礙心俱寂因詩思轉煩王孫舊棲息藻翰動祗園

題楊竹村太府靜思館四章

退食軒居淨幽棲石徑斜竹風團翠雨花露裊紅霞客
至情逾洽秋來興轉嘉一尊臨月宇雙駕集星槎
路轉出林塘亭虛隱石梁水風牽荇細山雨拂荷涼俯
檻魚雙躍開簾燕獨忙角巾欹晚席高影入雲長
恠石雲同瘦山亭風漸高龍歸依洞口虎據出林泉雄
視千人雋端居百世豪長松發天籟萬里一呼號
當軒隻石筍文繡倚雲開疑是支機出懸知醒酒來癯
然娛燕寢忽爾動風雷慙媿逢君晚訝終笑舉杯

丁未元夕前飲陳小隱家和近山韻

燈宵明夜是春酒此筵開爲上花前月先傳天上杯歌
重新作態坐客笑應迴慙愧論詩句云誰倚馬才

次夜飲近山草堂疊韻

珠雨清塵過華燈拂輦開相看今夜月況復故人杯飲
劇歡同賞詩成曲未迴長跨金馬客高騎碧雞才

青芝陳揮衛子子開武魁張筵庄樓卽事二首

霏雨出城郭湖頭新水生野柳紆醉臉山鳥弄春聲開
閣人何在登樓賦已成將軍能好客尊酒漫論兵
玉樹陳庭曲青芝漢殿香武塲新擢桂國手舊穿楊高
興乘春發風情傍酒償歸來湖上路燈火亂波塘

過大佛寺訪豐村金大巡明日湖上吊逋仙各一

首

初春來法駕斜日構山堂社稷心猶赤風塵髯欲蒼感
思天外淚笑語佛前香歸路逢僧便裁詩寄上方
弭棹緣山麓移尊坐石臺孤墳憐舊隱千古亦荒涼
崔避人語寒梅傍酒開啣杯遲落日曲罷有餘哀

棠兒初度示勉二首

吾兒今二十骨髮始生神抱子已稱父娛親良致身
高看鶚薦天淨見龍鱗畫錦堂開口相期萬里津
吾兒今二十笑口對壺觴喜見雲霄志須開錦繡腸

題先認理落筆始成章努力乘時發頽頽亦寵光

代壽王母朱孺人七十

二月北堂上萱花春早開一枝迎壽竿千日醉仙臺王母天同老西池宴幾回蟠桃今熟否青鳥可飛來

竹墟篇爲屠大叅年兄賦

亭墟見修竹瀟洒人爭憐風度九江雨水深千樹煙涼陰流几案高槩出雲天我豈肉食相感君無棄捐

水部王弘宇留讌東湖亭時鶯語如簧薔薇散綺

吹簫代鼓移席催花相與爲樂簡謝二首

春莫聞啼鳥閒亭過雨深數聲低度曲百轉巧論心伐

水流風雅遷喬足好音一枝暫棲息千里共追尋
水部園亭好春歸花未稀臨風時冉冉帶雨正輝輝小
折催簫發紅香傍酒飛上林元盛賞此日更芳菲

弘宇以湘湖蓴菜見貽詩以簡畬

吳下推風味江東今更奇常誇士龍羨不負季鷹思水
部清如玉香羹脆若絲吟邊重分惠飭下覓華滋

題木蘭花扇面

華月夜將滿木蘭春早開恍疑蒼玉珮飛步白雲臺風
前香欲語露下泣誰猜此日唐昌觀遊仙夢未回
東涯失偶走吊因論時事夜分乃別感而賦此三

曉行

煙霞擬結遠公社山水應嗤中散遊
露下草根沙磧曉月明樹杪塞垣秋
怯寒不惜征衫薄得句還憑浪眼酬
何日請留雙玉舄好從青海問丹丘

白石塘候白石不至

白石山人來不來路逢白石山坳開
青霄有約鶴欲下錦樹無風秋自哀
花鳥江頭看汶共松蘿谷口今誰猜
停雲挂節一騁望芝駕遠登何處臺

長溝道中聞白石至志喜

長溝停驂張年炊風塵拂面悲路岐
報道故人出谷口

脩然高蓋來天涯張華自信雙龍劒韓愈驚鏡一鳥詩
莫把閒情盡詞賦百年青髻易成絲

雲卧山房賦古松分韻得雲字

月下登臺夜未分蒼松屹立迥難群秋聲忽捲千山頭
月色遙連萬壑雲喜有高賢叨共賞可無詩句漫相聞
春花搖落知多少羨爾昂藏出世紛

偕白石遊西山和衡山入山韻

寒花小草掩閑情路入西石眼界明翠壁丹厓千障合
倉曹水部兩難并官閑暫得煙霞味心遠遙聞鐘鼓聲
五日駢駢出城郭攀林踏閣夢中行

別

七元天下士長望水雲間
法從風軒出閒心江渚還
舟航遠十里魂夢且三山
把袂重君別裁詩一解顏

承恩寺飲百川張叅藩對局時判寧國感賦二首

百丈龍川子十年薇省臣風塵青眼舊江漢白頭新
雨過涼生夜尊開笑近春僧堂足幽賞客邸見天真

百丈龍川子看花今幾春曲江同走馬豐沛隔清塵
慷慨燈前酌棲遲物外身閒情呼陸博變態巧生神

林雲山地卿聞他泉秋卿李友軒國子邵南溪鄭

澹泉太卿開讌雞鳴山之延虛閣

關通風生牖簷虛月到軒清歌翻野唱良晤動星垣五
鳳瞻雲切雙龍捧日尊擎杯話年好芳賞更誰論

東瀾沸泉雲山三兄開燕文場移尊飛虹橋得紅
字

虹橋飛藝院燕集醉花宮道論陋時格交情從古風雨
塘侵草綠夕照引杯紅入夜生新爽清歌興不窮

明日三兄偕百川開尊承恩禪堂留別

佛境懸孤月禪臺集五星新腔還共醉宿酒未全醒遠
吹流清梵長松隱翠屏明朝分袂野宦下雲汀
上興遇雨放舟抵溧陽簡謝雙南蔡尹四首

久客懷歸切孤征怯路賒月明猶度馬風急更浮槎赤
電驅藪薄黃羅掣水花泥塗沾濕盡危坐理南華

深陽開水部候吏隔溪迎未覓風前句先傳郊外情村

村無夜吠望望足秋成十二橋頭月清光照遠行

雙南
德政

報最三年近河陽花已深金門春似海青瑣晝常陰

艤誰能補隻南不媿心垣陴清漏淨梧竹自成吟

傾蓋歡如舊開筵樂更多清尊遲劍珮赤日下關河鄉

夢憑誰發歸心謂我何感君惠舟楫千里一經過

沈南泉過草堂夜叙一首

高懷良未已步月過隣家酩酒醉還燕青梅啖可誇酸

幸知世味放浪足生涯
珪劍當歌發丰神凌紫霞

挽友

八十年來夢經營道里長
烏紗延壽愷白髮有輝光
忽爾辭塵世蕭然悲夜堂
風前歌殢露猿崔倍淒涼

詣南泉歸至硤石晚泊紫薇山夜發感賦二首

雪後開新霽茶湖一棹還
月明醒醉眼風淨破愁顏
交誼形骸外歡情詩酒間
停橈暫棲息魂夢繞西山

舟行寒及夕別去話猶繁
野泊無歸束邨沽且笑言
鄰雞先曉唱山犬隔林喧
不寐催星發風掀急槳翻

鉛山遭回堂濮水部話舊惜別

離違三十楨晤語此朝昏桐汭花經眼鷺湖崔在野溪
橋看短劔水部羨長轅爲憶含香署分携且笑言

嘉禾飲少泉給事次即席口占韻

劫來甘吏隱老去學逃名短葛含風出輕舸坐月明裁
詩知已淚把袂故人情醉語不能別感君還復迎

賀陳南棠晉貳金華守次少泉沈給舍韻

報政嘉禾郡移官寶婺州薰風拂西水華月度南樓尸
祝千年在民有位祀南棠者琴尊兩浙留知君清廟器早晚控
天球

姑蘇簡竹坪何地卿一舉權許墅關

吳門朝雨歇舟楫晚生涼矯首故人遠瞻言新水長兼
葭秋入望越柳夜分行何處聞津在相將話夕陽

入廣陵風景清逸絕勝江南對酒懷石橋方太府

岑

維揚佳麗地一水湛秋冥高柳含風碧長蘆夾岸青懷
人先怯別坐酒漫愁醒入暮遲舟楫瓊花香滿汀

中秋前夕乘月過水竹田子歸舟漫興戲簡水竹
路出小東門秋蟾淨水痕桂華香入夢兔背缺誰論未
赴嫦娥約懸知素女魂來宵應美滿悵望此朝昏

題水竹

水竹舊吾居。君才水竹如清流。還自似瘦影未全疎。峽口噴珠玉。風前鳴珮琚。淇園三五畝。樊興足蘧蘧。

高郵遇查守九一話鄉曲夜發奉簡

孟城涵淨水。鎖師殿長堤。官柳鬱堪折。冰蟾高可携。江鄉勤問訊。燈火散輪蹄。更得檣風便。夜深仍鼓鼙。

晚宜堂坐晚。與蓮湖地卿入寄亭觀蓮。因簡蓮湖北路淨湖陂。清江晚更宜。亭心開水萼。波面漾風枝。高蓋臨書幌。紅香入酒卮。濂溪有遺思。千古共襟期。

泊徐暉山方地卿過我招飲

秋日媚彭城。黃河隔嶺清。倉曹勤駕從。水部魏才名。傾

蓋心應醉分杯思轉繁長風千里便野雀入雲輕

偕趙侯齋大叅飲彭仙洲水部新亭簡謝二首

晴日麗秋原仙曹集使軒論詩風格異當局露華繁夜
雀不知警宵禽者自喧新交深舊雅執手已忘言

永部十洲仙仙洲更灑然寵光千樹草容與半池蓮入
院香風細留尊華月妍夜闌仍轉燭笙霍下瑤天

沾頭暉綠槐堂覽都水題名簡吳竺二原曹長

秋水喜平隄関河路不迷維丹來笑語傾蓋荷招携半
榻高槐陰一聯豐石題清曹慙棟宇名與大賢齊

暉山開燕戲馬臺陀山寺和仙洲韻二首

園皆汴
水故云

山嘶秋日薄雨過晚煙開斷碣全紆草虛堂半蝕苔卧
牛談古郡戲馬上高臺燈火喧歸路城頭鼓角哀
殊方金酒共勝地綺筵開古佛多黃土新亭亦紫苔寒
流偏抱郭斜日更登臺靈業今何在秋風生暮哀

濟上宿天井過柳州王兩溪夜話愴懷

纜舸任城夜移舟濟水隈檣燈張列宿牌溜響奔雷忽
過緱山駕應憐笙霍哀深更話長抱燭盡可能灰

夜發香城堡詣廣平欲乞明山連兄志室人墓

涼月媚香城輕颺掠髮生駝驢馳夜轍鼙鼓發秋聲爲

嶺南鵲別番憐黃鳥情明山山只尺躑躅度深更

石山風雨

風雨怯修程山行愁轉繁征途沾濕重驛騎刷雲輕白
草江草轍黃塵捲旆旌因慙邊塞上漂泊更含情

贈宿遷徐敬軒

一首

清才典劇邑節槩見燈前撫字心應切風流政可傳長
河秋入漢列宿夜開躔邂逅瞻遠裁詩寄勉旃

辛亥初春叙別南泉刑部登五雲山飲六和塔

春郊延上客長望五雲隈雨閣海天暝沙平江嶺開行
歌窺淺柳覓句探寒梅執手情逾洽登車首重回

飛蓋出林薄，征輶歷遠邨。山迴千障合，日轉五雲屯。
禮心香共登，臨法界尊凌。虛動遐想，江海欲平吞。
浮圖千劫後，識界六根清。野鳥去還語，江雲愁轉生。
分杯延別緒，把劍動交情。若赴雙龍闕，行看萬里程。

題赤壁圖

惟石峰頭落長松，礪底迴清尊。高客共明月，片帆開詞
賦。雄千古，游歌定幾回。孤飛玄雀下，遙指白雲隈。

枉歙程原習悅齋過西湖話舊

長夏涼颿發，移舟湖水隈。百年渾道義，此日荷追陪。
細笛吹花落，清尊拂柳開。山亭尋舊隱，放雀未應回。

端陽再枉草堂燕叙

午日泛蒲觴葵榴花正芳一尊過舊故千里慰門牆念
往意何限感今情轉長因之歌伐木好鳥信風翔

程子告別有期贈言以堅嚮往之志

之子去何日灘高江水深長風遞歸棹涼月惜分襟未
遂題橋志其如報主心相知不相負珍重白頭吟

登城赴一菴唐兄飲聞有起用消息志喜

城陴延夕景湖溆湛秋雲老雀仍高翥殘蟬不可聞一
尊那遠別萬里仗奇勛此去君堪重蒼生望已勤

十月四日夢先室官人枕上口占是日宜人忌辰

高眠新菊枕灑泣淚應斑謾說生前夢偏憐死後顏驚
心鷄唱早懊恨蝶飛還轉轅香魂在名搖不可攀

小設速東滙入暮始赴數巡乃別益復悵然客一

首

采采純陽子飄飄跨雀來章顏丹可駐客枕夢初廻寄
傲隨緣結淹留何處杯一聲雙鐵笛吹落髮前梅

憶別忽千日相過喜一經謂予頭漸白之子眼還青坐
酒不終夕牽裾時轉醒南樓高厓度愁絕向雲汀

主予春莫之晦飲於泉宅與廬連城奕避暑

初暑陟酷潯名園春未歸當杯心轉熾對局汗俱揮露

砌開紈扇風軒展葛衣情深不能去燈火爛餘輝

江平石索題西井

有美城西井泉分自鄴侯一加迸寒玉九仞及玄流短
綆將安汲長縲任所求渴人須爾濟辨義足身謀

周星橋索題明憐前川趙子弼蓋楚籍而川人也
楚客三湘望川源萬里長乾坤捻逆旅魂夢自江鄉
烏刊風落芹宮過雨香王孫芳草意幾度醉斜陽

湖山良晤詩別吉齋莊子一敬董浙試事

故人來浙水吾道重文衡桃李春常注湖山秋轉清六
橋頻倚棹三竺幾懸旌底事高齋夢連宵風雨聲

湖上看雪

歲朝冰雪集十日未全消
玉樹萬山合瓊臺一徑遙
梅
窺香共冷宦夢怨誰招
獨立南湖曲尋詩出畫橋

郭外探春

燈夕始除臘湖天今見春
林鶯初解語隄柳半含顰
律
轉陽開泰人生月在寅
老懷驚物候一歲一番新

南屏燕集

比道煩臺省南屏列几筵
清歌憐雪后高飲仗春先
江
海論心遠湖山入畫妍
頻年藉芳讌長笑佛燈前

雪後觀梅

春雪積沒脛野梅橫見腮一枝珠蓓蕾萬里玉樓臺
思衝寒發理華傍酒裁東風且披拂相對重徘徊

入淮過春山李大叅竹亭對奕并題座上小山二

首

客裡傷春莫春山酒更香開尊傍棋局燒竹檢詩囊
老雀翔風健神魚勅水強百年劉幾會拚醉下江鄉
亭篠元多興盆山也自奇峰巒當戶牖谿徑隔天涯
拄笏朝來便看雲晚更宜淮南招隱地應與子爲期

次溧陽小憇戴埠妙如寺即事

山寺妙如如山僧啓候予林稀灰竹筍畦老蠶花蔬筍

色

墨味鮮香初入饌香風細開尊壽靄祛常軒梧樹下清
纒作菜蔭滿階除

何水亭開燕東園即戲有感石亭都諫

雨過風塵淨園開花木深葵榴先午節禽鳥尚春音對
酒傷朋舊懷忠自古今百年渾是戲曲罷淚沾襟

六月念四諸昆山行飲王泉晚登智果山居簡峰
上人因憶昔游參寥泉時荷面雨聲之景追賦

三首

赤日延殘暑玄蟬咽早秋肩輿湖上路尊酒寺邊樓取
醉耽魚躍行歌任鳥求勸酬兄共弟此樂真天游

斜日度山谿山居雲水西泉甘新甃石湖淨舊分隄
子昂棲便游人野望迷巾峰自孤寂爲爾一留題
壯翅昔垂谿相過湖水西平臺依古梵飛閣瞰長隄
雨急聲中斷荷香花外迷參寥何處景追復舊分題

浮峰張方伯入廣席上和既白王孫韻

霜降氣應肅天高日轉舒杯稍同榜淚扇草異人書
塵海苦無際星槎安所如夜分且更燭涼露下階除

甲寅初春東湖亭和六亭水部賞梅韻

鐵幹回丹頰槎牙湖水東天然標格在底似不教工
春色何緣別孤山有路通香魂轉漂泊桃杏若爲同

病中有懷徐定菴故人陳六亭水部各一首

潤叙湖亭上春初歷夏殘
逖違恒悵惘良晤更艱難
病
霍雲千里閒階月一闌
坐來心轉劇飛夢到江干
南屏芳讌后長日卧林丘
避客不逾月思君渾幾秋
敢
論川蜀舊還抱部曹羞涼月懸高漢
空明江水流

七夕感懷二首

七夕望甘雨焦勞忘我眠
炎空張火蓋涼月上冰弦
世
態渾朝暮佳期托歲年
天孫不根事誰爲洗凡緣
是夕雙星合云何歎客眠
離鸞羞舞鏡別霍怨鳴弦
老
我生今夜思親計往年
幽懷繫長抱那復問塵緣

題折枝蘭杏扇面和潁湖高光州韻二首

文杏紛多艷，散蘭悄有花。
閒梅偏隔水，傍竹若爲家。
不語紉蒼珮，含香疊絳紗。
布帘村外市，谷日寄生涯。
杏萼倚蘭芽，芳華月滿臺。
幸因歸把玩，端不近蒿萊。
蝶翅巡香遠，蜂鬚掠粉來。
光風和湛露，沾被出塵埃。

贈甬江秦凱和近山太史韻四首

昭代恢荒服，涵濡仰太空。
如何克國老，亦自遠臨戎。
瀚海勲難策，忠誠感必通。
薦賢撫聖悃，上相攬元功。
推轂元臣重，紆籌軍務勞。
一麾澄海嶽，萬里殿風濤。
毒螫終成縛，封狐謾自豪。
羽書雙闕下，駿烈五雲高。

殺氣橫秋出軍聲動地來虎符分外閫王節奠中台好
伏平倭策懸知命世才凱歌俘獻日封拜九天開
血戰論功日瓊筵飲至時尊前仍受簡花外尚牽旗得
美知全勝居安計不危三宣馳上寵萬國仰重熙

題畫二首和韻

野泛聯隻釣輕舸歷九灘風波天外遠煙水靜中看急
漿話歸路長歌迴險竿前村沽酒共相對坐盤桓
木老風前幹楓繁霜後花釣鰲應自許歌鳳亦堪嗟身
世塵無夢乾坤髮有華滄浪元小淖濯足信浮槎

題心遠堂和劉菊莊韻

恒河逆浪摧覺岨根塵隔會須見心性那復辨空色一
息天宇開萬里靈光白所以高上人掃軌謝逋客

題靜菴画如來冥趺像和月桂上人韻

妙墨發精思如來不世緣皈依瞻法相自在得心傳蓮
葉坐方穩天花落更偏波神呈寶氣白日射青煙

華藏招提用前韻

閒步城東寺幽尋塵外緣三花明法界隻樹覓真傳日
落雲光薄風迴竹影偏長廊吼鯨響古殿篆龍煙

飲東湖亭和宜山何秋卿迎養赴留都韻兼簡箕

泉王廷評二首

湖亭芳讌集春老煖煙浮一水碧于西萬花紅欲流鄉
心渾自醉年誼可誰酬高蓋欣聯席玄談識遠猷
春日板輿情秣陵江水平九天恩正渥六合氣還清遠
覽壺觴便高懷星斗橫爲言王子晉笙簧寄心盟

題画簡東溪

翠竹雨瀟瀟歸人途路遙得魚來野浦沽酒向溪橋天
遠雲長白風閑興轉饒開尊過知己相對話終宵

十日陪沁泉陳水部飲龍川孫道長宅和華峰秦

殿撰韻二首

昨耽重九句今夕賞心同粉署來仙珮銀鞍御玉騅筵

開千日酒錦簇萬花發良會憐長夜高懷興不窮
慙予淹水部十載夢魂懸此日聯元案清尊淡晚煙歌
傾楊柳月人醉菊花天促席酬知己撕髯笑可仙

冷泉亭流觴

甃石細泉香泉分出水觴遊魚紛作陣啼鳥巧生簫對
此情俱適因之興轉長蘭亭金谷後取醉更何妨